

四部叢刊

楚辭

辭

Z121/070:1(97

四部叢刊初編集部

楚辭

十七卷

據商務印書館一九二六年版重印

---

四部叢刊初編(九七)

楚辭

漢王逸章句、宋洪興祖補註

上海書店印行

上海福州路四二四號

上海浦江印刷厂印刷

上海涵芬樓借江南  
圖書館藏明繡宋本  
景印原書版匡高營  
造尺六寸九分寬四  
寸七分

# 楚辭目錄

班孟堅云始楚賢臣屈原被讒放流作離騷諸賦以自傷悼後有宋玉唐勒之屬慕而述之皆以顯名漢興高祖王兄子濞於吳招致天下娛游子弟枚乘鄒陽嚴夫子之徒興於文景之際而淮南王安都壽春招賓客著書而吳有嚴助朱買臣貴顯漢朝故世傳楚辭

漢護左都水使者光祿大夫臣劉向集

後漢校書郎臣王逸章句

一本云校書郎中後漢文苑傳云逸

字叔師南郡宜城人元初中舉上計吏爲校書郎順帝時爲侍中著

楚辭章句行於世

離騷經第一

屈原 釋文第一無經字

九歌第二

釋文第三  
一本九歌至九思下皆有傳字

天問第三

釋文第四

九章第四

釋文第五

遠遊第五

釋文第六

卜居第六

釋文第七

漁父第七

釋文第八

九辯第八

宋玉  
釋文第二

招魂第九

釋文第十

大招第十

屈原或言景差  
釋文第十六

惜誓第十一

賈誼  
釋文第十五

招隱士第十二

淮南小山  
釋文第九

七諫第十三

東方朔  
釋文第十二

哀時命第十四

嚴忌  
釋文第十四

九懷第十五

王褒  
釋文第十一

九歎第十六

劉向  
釋文第十三

九思第十七

王逸  
釋文第十七

按九章第四九辯第八而王

逸九章注云皆解於九辯中

知釋文篇第蓋舊本也後人  
始以作者先後次叙之爾鮑  
欽止云辨騷非楚詞本書不  
當錄班孟堅二序舊在天問  
九歎之後今附于第一通之  
末云

# 楚辭卷第一

隋唐書志有皇甫遵訓參解楚辭  
七卷郭璞注十卷宋處士諸葛楚  
辭音一卷劉杳草木蟲魚疏二卷  
孟輿音一卷徐邈音一卷始漢武  
帝命淮南王安爲離騷傳其書今  
亡按屈原傳云國風好色而不淫  
小雅怨誹而不亂若離騷者可謂  
兼之矣又曰蟬蛻於濁穢以浮游  
塵埃之外不獲世之滋垢皜然泥  
而不滓推此志雖與日月爭光可  
也班孟堅劉勰皆以爲淮南王語  
豈太史公取其語以作傳乎漢宣  
帝時九江被公能爲楚詞隋有僧  
道騫者善讀之能爲楚聲音韻清  
切至唐傳楚辭者  
皆祖騫公之音

## 離騷經章句第一

## 離騷

校書郎臣王逸上

曲阿洪興祖補注

離騷經者屈原之所作也屈原與楚同姓仕於懷王爲三閭大夫三閭之職掌

王族三姓曰昭屈景

戰國策楚有昭奚恤元和姓纂云屈楚公族芊姓之

後楚武王子瑕食采於屈因氏焉屈重屈蕩屈建屈平並其後又云景芊姓楚有景差漢徙大族昭屈景

三姓於開中

屈原序其譜屬率其賢良以厲國

士入則與王圖議政事決定嫌疑出則監察羣下應對諸侯謀行職脩王甚珍

之同列大夫上官靳尚妬害其能共譖

毀之

史記曰上官大夫與之同列又曰用事臣靳尚

王乃疏屈原

疏一作逐

屈原執履忠貞而被讒褻

一作邪

憂心煩亂

不知所愬乃作離騷經離別也騷愁也

經徑也言已放逐離別中心愁思猶依

道徑

一云陳直徑一云陳道徑

以風諫君也

太史公曰離騷者猶離憂也班孟堅

曰離猶遭也明已遭憂作辭也顏師古云憂動曰騷余按古人引離騷未有言經者蓋後世之士祖述其

詞尊之爲經耳非屈原意也逸說非是

故上述唐虞三后之制

下序桀紂羿澆之敗冀君覺悟反於正

道而還已也是時秦昭王使張儀譎詐

懷王令絕齊交又使誘楚請與俱會武

關遂脅

一作脇

與俱歸拘留不遣卒客死

於秦

史記曰屈平既紬其後秦欲伐齊齊與楚從親惠王患之乃令張儀詳去秦厚幣委質事楚詳

與佯同又曰秦昭王與楚婚欲與懷王會屈平曰秦虎狼之國不可信不如無行懷王卒行入武關秦伏

兵絕其後因留懷王然則使張儀譎詐懷王令絕齊者乃惠王非昭王也

其子襄王

復用讒言遷屈原於江南

史記曰懷王長子頃襄王立令尹子

蘭使上官大夫短屈原於頃襄王王怒而遷之

屈原放在草野

草一作山復

作九章援天引聖以自證明終不見省

不忍以清白久居濁世遂赴汨淵自沈

而死

前漢地理志長沙有羅縣荆州記曰縣比帶汨水水源出豫章艾縣界西流注湘公湘西北去

縣三十里名爲屈原自沈處汨音覓

離騷之文依詩取興引

類譬諭故善鳥香草以配忠貞惡禽臭

物以比讒佞靈脩美人以媲於君

嬋配也匹詣切

宓妃佚女以譬賢臣虬龍鸞鳳以託君

子飄風雲霓

飄一作飈

以爲小人其詞溫而

雅其義皎而朗

明一作

凡百君子莫不慕

其清高嘉其文采哀其不遇而愍其志

焉

多愍一作閔魏文帝典論云優游按行屈原尚之窮

有餘度長卿子雲不能及宋子京云離騷為詞賦之

帝高陽之苗裔兮

德合天地稱帝苗胤也裔末

帝繫曰顓頊娶于騰隍氏女而生老僮是為楚先其

後熊繹事周成王封為楚子居於丹陽周幽王時生

若敖奄征南湖北至江漢其孫武王求尊爵於周周

不與遂僭號稱王始都於郢是時生子瑕受屈為客

卿因以為氏屈原自道本與君共祖俱出顓頊胤末

之子孫是恩深而義厚也補曰皇甫謐曰高陽都帝

丘今東郡濮陽是也張晏曰高陽所興之地名也劉

子玄史通云作者自叙其流出於中古離騷經首章

上陳氏族下列祖考先述厥生次顯名字自叙發跡

實基於此降及司馬相如始以自叙為傳至馬遷楊

雄班固自叙之

朕皇考曰伯庸

朕我也皇美也父死稱考詩曰

篇實煩於代

既右烈考伯庸字也屈原言我父伯庸體有美德以  
忠輔楚世有令名以及於已補曰蔡邕云朕我也古  
者上下共之咎辭與帝舜言稱朕屈原曰朕皇考至  
秦獨以爲尊稱漢遂因之唐五臣注文選云古人質  
與君同稱朕又以伯庸爲屈原父名  
皆非也原爲人子忍斥其父名乎  
攝提貞于

孟陬兮

也太歲在寅曰攝提格孟始也貞正也于於  
也正月爲陬補曰並出爾雅陬側鳩切

惟庚寅吾以降

庚寅日也降下也孝經曰故親  
生之膝下寅爲陽正故男始生

而立於寅庚爲陰正故女始生而立於庚言已以太  
歲在寅正月始春庚寅之日下母之體而生得陰陽  
之正中也補曰天問云皆歸歟鞠而無害厥躬何后  
益作革而禹播降九歎云赴江湘之湍流兮順波湊  
而下見集韻說文曰山阿兮飄風來之句句降乎攻切  
行二十俱立於已爲夫婦裏姪於已爲子十月而  
生男起已至寅女起已至申故男年始寅女年始申

也淮南皇覽揆余初度兮

皇皇考也覽觀也揆度也初始也覽一作

鑒一本余下有于字五臣云

肇錫余以嘉名

肇始

也錫賜也嘉善也言父伯庸觀我始生年時度其日月皆合天地之正中故賜我以美善之名也

名

余曰正則兮

正平也則法也

字余曰靈均

靈神也均調也言正

平可法則者莫過於天養物均調者莫神於地高平曰原故父伯庸名我為平以法天字我為原以法地

言已上能安君下能養民也禮曰子生三月父親名之既冠而字之名所以正形體定心意也字者所以

崇仁義序長幼也夫人非名不榮非字不彰故子生父思善應而名字之以表其德觀其志也五臣云靈

善也均亦平也言能正法則善平理補曰史記屈原名平文選以平為字誤矣正則以釋名平之義靈均

以釋字原之義名有五屈原以德命也禮記曰三月之末父執子之右手咳而名之又曰既冠以字之成

人之道也士冠禮云賓字之曰昭告尔  
字爰字孔嘉字雖朋友之職亦父命也  
紛吾既有

此内美兮

紛盛兒五臣曰内美謂忠貞

又重之以脩能脩

也言已之生内舍天地之美氣又重有絕遠之能與  
衆異也言謀足以安社稷智足以解國患威能制強  
禦仁能懷遠人也補曰重儲用切再也非輕重之重  
能本獸名熊屬故有絕人之才者謂之能此讀若耐  
韻叶

扈江離與辟芷兮

扈被也楚人名被爲扈江離芷皆香草名辟幽

也芷幽而香文選離作蘼五臣云扈被也補曰扈音  
戶左傳云九扈爲九農正扈民無淫者也扈止也江  
離說者不同說文曰江蘼蘼蕪然司馬相如賦云被  
以江離揉以蘼蕪乃二物也本草蘼蕪一名江離江  
離非蘼蕪也猶杜若一名杜蘅杜蘅非杜若也蘼蕪  
見九歌郭璞云江離似水薺張勃云江離出海水中  
正青似亂髮郭恭義云赤葉未知孰是辟匹亦切白  
芷一名白芷生下澤春生葉相對婆娑紫色楚人謂